

Lampung - Keselamatan Alkitab - Salvation Scriptures

Ephesians 2:2 Waktu seno keti nutuk kebiasaan-kebiasaan dunia inji; retini keti taat jama jelma sai nguasai angkasa raya, yakdo ruh sai tano nguasai hati jelma-jelma sai mak taat jama Jehovah.

Matius 6:10 Nikudo Raja sekam. Semoga Niku memerintah di bumi rik kehaga-Mu ditaati injuk di surga.

Lukas 22:42 "Bapa," cawa-Ni, "kik dapok, jaohko jak Nyak derita sai haga Kualami inji. Kidang dang nurut kehaga-Ku, kidang dang nurut kehagani Bapa gaoh."

Yohanes 16:7-9 Kidang Nyak nyawako sai benor jama niku: Lebih betik untuk keti, kik Nyak mik; mani kik Nyak mak mik, Sai Nulung udi mak haga ratong jama niku. Kidang kik Nyak mik, Nyak haga ngutus la jama niku. 8 Kik la ratong, la haga nyatako jama dunia reti sebenorni jak dusa, jak api sai benor, rik jak hukuman Jehovah. 9 la haga nyatako bahwa mak percaya jama Nyak yakdo bedusa;

2 Timotius 2:10 Urido sebabni nyak tabah nanggung sunyinni ano demi kepentingan jelma sai radu dipilih ulih-Ni Jehovah, in tian pun mansa keselamatan sai dikeniko liwat Isa Almasih, rik disertai keagungan sai abadi.

Roma 15:20,21 Cita-citaku iado ngabarko Kabar Betik jak Jehovah di rang-rang di dipa jelma makkung ngedengi tentang Almasih. Mani nyak mak haga ngebangun guaian pada dasar sai dipikko ulih ulun bareh. 21 Di delom Alkitab tetulis, "Jelma-jelma sai makkung pernah nerima kabar tentang la haga ngeliak; rik tian sai makkung pernah ngedengi, haga ngerti."

Rasul 2:36,37 Reno sebabni sunyinni ulun Israel harus pandai temon-temon bahwa Isa sai keti salibko udi, Isa udido juga sai radu dijadikko ulih Jehovah jadi Tuhan rik Raja Penyelamat!" 37 Waktu ulun-ulun udi ngedengi hal ano, hati tian gelisah nihan. Raduni tian betanya jama Petrus rik rasul-rasul sai barehni, "Puari-puari, sekam harus bebuat api?"

Ibrani 4:2 Mani Kabar Betik udi radu dikabarko jama ram gegoh injuk jama tian. Kidang jama tian, kabar udi mak ngedok gunani. Mani waktu tian ngedengini, tian mak percaya.

Yeremia 24:7 - Matius 22:37 Isa ngejawab, "Cintaido Tuhan Jehovahmu sepenuh hatimu, segenap jiwamu, rik seluruh akalmu.

Rasul 16:14 Sai jelma jak tian yakdo jelma sai bedagang kain ungu, gelarni Lidia asal jak Tiatira. Ia mengasihi Jehovah, maka Tuhan ngegerakko hatini in ia nerima api sai Paulus ajarko jama ia.

Matius 13:14-16 Ulihni seno tejadido sai dinubuatko Nabi Yesaya, 'Jehovah cawa: Tian haga terus ngedengi kidang mak ngerti; tian haga terus memperhatiko kidang mak pandai api sai tejadi. 15 Mani pikeran jelma-jelma inji radu jadi kudul, cuping tian radu jadi tilu rik mata tian radu dipejamko. Inji tejadi in mata tian dang ngeliak, cuping tian dang ngedengi, pikeran tian dang ngerti rik dang muloh jama Nyak, raduni Nyak ngunyaiko tian.' " 16 "Kidang hara beruntungni keti," ani Isa jama jelma-jelma sai nutuk la, "mani keti temon ngeliak rik ngedengi.

Yesaya 6:9,10 - Rasul 28:27 Mani pikeran bangsa inji radu jadi kudul, cuping tian radu jadi tilu rik mata tian radu dipejamko. Inji tejadi in mata tian dang ngeliak, cuping tian dang ngedengi, pikeran tian dang ngerti, rik dang muloh jama Nyak, raduni Nyak haga ngunyaiko tian.

Markus 4:11,12 Maka Isa cawa jama tian, "Keti radu dikeni anugerah untuk nyepok pandai rahasia tentang injuk repa Jehovah memerintah. Kidang ulun-ulun luah terus diajar jama perumpamaan, 12 in 'Tian haga terus memperhatiko kidang mak pandai api sai tejadi, tian haga terus ngedengi, kidang mak ngerti, inji tejadi in tian dang ngeliak rik ngerti rik dang ratong jama Jehovah rik Jehovah ngampuni tian.' "

Yohanes 12:39,40 Renodo sebabni tian mak dapok percaya, mani Yesaya radu cawa juga, "Jehovah cawa, 40 'Nyak ngebutako mata tian, nyani tian tegar hati; in mata tian dang ngeliak, pikeran tian dang ngerti. In tian dang muloh jama Nyak, kak raduni Nyak ngunyaiko tian.' "

Roma 11:7,8 Jadi, injuk repa? Umat Israel mak mansa api sai tian sepok. Sai mansa angkah segolongan lunik jelma-jelma sai radu dipilih ulih-Ni Jehovah. Sai bareh sunyinni jadi keras ulu tehadap panggilan-Ni Jehovah. 8 Mani di delom Alkitab tetulis injuk reji, "Jehovah nyani hati rik pikeran tian jadi bebal; rik sampai saat inji mata tian mak dapok ngeliak rik cuping tian mak dapok ngedengi."

2 Tesalonika 2:10,11 Ia haga sunyin tipu muslihat sai jahat untuk nyesekko jelma-jelma sai haga binasa. Tian haga binasa mani nulak rik mak gering kabar sai benor jak Jehovah sai dapok nyelamatko tian. 11 Urido sebabni Jehovah ngeratongko jama tian suatu kuasa sai nyesekko, sehingga tian percaya api sai mak benor.

Matius 13:18-23 "Dengiko api reti perumpamaan tentang sai penabor udi. 19 Bibit sai gugor di renglaya injuk jelma-jelma sai ngedengi kabar

tentang injuk repa Jehovah memerintah, kidang mak ngerti. Si Jahat udi ratong rik ngerampas api sai radu ditabor delom hati tian. 20 Bibit sai gugor di rang sai bebatu-batu, injuk jelma-jelma sai ngedengi kabar udi, rik langsung nerimanu jama senang hati. 21 Kidang kabar udi mak bebakak delom hati tian, sehingga mak tahan saka. Reno tian menderita kesusahan atau penganiayaan ulihni kabar udi, langsung tian murtad. 22 Bibit sai gugor di tengah-tengah semak keruwi injuk jelma-jelma sai ngedengi kabar udi, kidang khuater tentang hurik tian rik mirak hurik mewah. Ulihni seno kabar jak Jehovah tehimpit di delom hati tian hingga mak bebuah. 23 Rik bibit sai gugor di tanoh sai subor injuk jelma-jelma sai ngedengi kabar udi rik paham. Tian bebuah lamon, wat sai seratus, wat sai enam puluh, rik wat sai telu puluh kali lipat hasilni."

2 Korintus 3:15,16 Tano pun, kik tian ngebaca buku-buku Musa, selubung ano masih nyalok pikeran tian. 16 Kidang kik sai jelma ratong ngehadap Tuhan, selubung ano pun diiwakko jak pudak ulun ano.

Hosea 11:3-7 - Matius 11:28-30 Ratongdo jama Nyak niku sunyinni sai mebuya, rik ngerasako biakni baban; Nyak haga nyegarko niku. 29 Tutukdo perintah-Ku rik belajardo jak Nyak. Mani Nyak inji lemo lembut rik rendah hati, maka niku haga ngerasa segar. 30 Mani perintah-perintah-Ku nyenangko, rik baban sai Kutanggungko atasmu mehampang.

Rasul 26:18 untuk ngebukak mata tian, in tian luah jak kekelaman rik kuruk mik delom terang; in tian lepas jak pengaruh iblis, raduni dikuasai ulih Jehovah. Maka jama percaya jama Nyak dusa-dusa tian haga diampuni rik tian haga jadi anggota umat Jehovah sai tepilih.

2 Timotius 2:24-26 Jelma sai beguai untuk Tuhan mak patut betangkar; ia harus ramah tehadap sunyin jelma, rik dapok ngajar betik rik sabar jama jelma. 25 Ia harus lemo lembut ngajari jelma-jelma sai gering ngelawan; mudah-mudahan Jehovah ngeni kesempatan jama jelma-jelma udi untuk betubat jak dusa-dusa tian rik kenal jama ajaran-ajaran sai benor. 26 Jama injuk reno tian jadi sadar luot, rik telepas jak perangkap iblis sai radu nawan tian rik maksa tian nutuk kehagani.

Wahyu 3:17-19 Keti cawa, 'Sekam mebatin rik serba cukup; sekam mak kekurangan api-api.' Kidang keti mak pandai hara mlarat rik hara menyedihko keadaanmu! Keti mejerih, riluk, rik buta. 18 Ulihni seno Nyak ngeni petuah jama keti in keti ngebeli jak Nyak emas, yakdo emas sai murni, in keti jadi mebatin. Belido juga kawai handak jak Nyak in keti bekawai rik nyalok keadaan keti sai riluk rik ngeliamko. Rik belido

muneh ubat untuk dioles di matamu in keti dapok ngeliak. 19 Jelma-jelma sai Kukasihi, tiando sai Kutegor rik Kulecut. Ulihni seno hagani keti besemangat, rik betubatdo jak dusa-dusamu.

2 Korintus 7:10 Mani kesedihan injuk reno ngehasilko perubahan hati sai ngeratongko keselamatan. Rik jelma mak haga nyesol atas seno. Sebalikni, kesedihan sai angkah sejalan jama kehagani manusia ngehasilko kematian.

1 Raja 18:37 - God turned heart back to God

2 Korintus 4:4 Diwa jahat sai nguasai dunia inji nyalok pikeran jelma-jelma sai mak percaya udi. Iado sai ngehalang-halangi tian in tian mak ngeliak terang jak Kabar Betik udi tentang kemuliaan-Ni Almasih, sai ngerupako gambaran-Ni Jehovah.

Lukas 8:11-15 "Injuk rejido retini perumpamaan ano: Bibit ano iado cawani Jehovah. 12 Bibit sai gugor di renglaya injuk jelma-jelma sai ngedengi cawa seno. Kidang iblis ratong rik ngerampas kabar seno jak hatini tian, in tian dang percaya rik diselamatko. 13 Bibit sai gugor di rang sai bebatu injuk jelma sai waktu ngedengi kabar seno, nerima jama senang hati. Kidang kabar seno mak ngedok bakak delom hati tian. Tian percaya serebok gaoh, kik wat pencubaan hurik, tian murtad. 14 Bibit sai gugor di tengah semak-semak injuk jelma ngedengi kabar, kidang khuater jama hurikni rik mirak mebatin rik senang delom dunia ajo. Sunyinni seno ngehimpit hurikni, sehingga mak ngehasilko uah sai mesak. 15 Bibit sai gugor di tanoh sai subor, injuk jelma sai ngedengi kabar ano, raduni nyegokko di delom hati sai betik rik jujur. Tian betahan sampai ngehasilko uah."

Rasul 15:11 Sebalikni, ram percaya rik ram diselamatko ulihni belas kesian Tuhan Isa; injuk reno muneh tian.

Roma 8:13 Mani kik keti hurik nutuk tabiatni manusia, maka keti haga mati; kidang kik jama kuasa Ruh-Ni Jehovah, keti terus gaoh mematiko perbuatan-perbuatanmu sai bedusa, maka keti haga hurik.